



Broj: 01/4-50-3-4-57/17

Sarajevo, 14. 12. 2017.

Z A P I S N I K

57. sjednice Komisije za finansije i budžet Predstavničkog doma Parlamentarne skupštine BiH, održane 14.12.2017., od 8,30 do 9,00 sati

Sjednici Komisije prisustvovali su članovi: Predrag Kožul, Salko Sokolović, Nenad Lalić, Amir Fazlić, Damir Bećirović, Mirsad Isaković, Aleksandra Pandurević i Jasmin Emrić.

Sa sjednice je odsustvovala Dušanka Majkić.

Također, sjednici su prisustvovali: Senad Softić, guverner Centralne banke BiH, Boris Raić, savjetnik ministra u Ministarstvu finansija i trezora BiH, Maja Ribar, politička savjetnica EUSR-a u BiH, Aida Kreho, stručna savjetnica za zakonodavno-pravna pitanja i pravo EU u Zakonodavno-pravnom sektoru Sekretarijata PSBiH, Bojan Milošević, volonter u Sekretarijatu PSBiH, Vlade Srdanović, stručni saradnik, te Željko Kosmajac, sekretar Komisije.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 56. sjednice Komisije;
2. Razmatranje Prijedloga zakona o izmjenama Zakona o akcizama u Bosni i Hercegovini – prva komisijska faza (predlagači poslanici: Salko Sokolović, Senad Šepić i Sadik Ahmetović);
3. Razmatranje Prijedloga zakona o osiguranju depozita u bankama Bosne i Hercegovine – prva komisijska faza (predlagač: Vijeće ministara BiH).

Aleksandra Pandurević predložila je da se dnevni red 57. sjednice Komisije za finansije i budžet Predstavničkog doma dopuni sljedećim tačkama:

- 1) Razmatranje Prijedloga zakona o izmjenama i dopunama Zakona o akcizama u Bosni i Hercegovini - prva komisijska faza (predlagač: Vijeće ministara BiH);
- 2) Razmatranje Prijedloga zakona o izmjenama i dopuni Zakona o uplatama na Jedinstveni račun i raspodjeli prihoda - prva komisijska faza (predlagač: Vijeće ministara BiH);
- 3) Razmatranje Prijedloga zakona o izmjeni Zakona o sistemu indirektnog oporezivanja u Bosni i Hercegovini - prva komisijska faza (predlagač: Vijeće ministara BiH).

Potom je predsjedavajući otvorio raspravu u kojoj su učestvovali: Aleksandra Pandurević, Salko Sokolović, Damir Bećirović, Predrag Kožul, Amir Fazlić, Mirsad Isaković i Jasmin Emrić.

Predsjedavajući Komisije podsjetio je članove na to da, u skladu s članom 106. Poslovnika Predstavničkog doma Parlamentarne skupštine BiH, Kolegij Predstavničkog doma Komisiji za finansije i budžet Predstavničkog doma nije dostavio na razmatranje Prijedlog zakona o izmjenama i dopunama Zakona o akcizama u Bosni i Hercegovini (predlagač: Vijeće ministara BiH), Prijedlog zakona o izmjenama i dopuni Zakona o uplatama na Jedinstveni račun i raspodjeli prihoda (predlagač: Vijeće ministara BiH), te Prijedlog zakona o izmjeni Zakona o sistemu indirektnog oporezivanja u Bosni i Hercegovini (predlagač: Vijeće ministara BiH).

Shodno tome, predsjedavajući Komisije obavijestio je članove da će, u skladu s članom 20. tačka (j), Poslovnika Predstavničkog doma, od Kolegija Predstavničkog doma zatražiti tumačenje člana 106. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15 i 97/15) o tome da li Komisija može razmatrati prijedloge zakona koje joj Kolegij Predstavničkog doma nije dostavio radi davanja mišljenja o principima na kojima su zakoni zasnovani.

Nakon rasprave, Komisija je, s pet glasova „za“ i tri glasa „protiv“, prihvatila zahtjev Aleksandre Pandurević za dopunu dnevnog reda sjednice Komisije.

Potom je Komisija, s pet glasova „za“ i tri glasa „protiv“, usvojila sljedeći dnevni red 57. sjednice Komisije:

1. Usvajanje Zapisnika 56. sjednice Komisije;
2. Razmatranje Prijedloga zakona o izmjenama Zakona o akcizama u Bosni i Hercegovini – prva komisijska faza (predlagači: poslanici Salko Sokolović, Senad Šepić i Sadik Ahmetović);
3. Razmatranje Prijedloga zakona o osiguranju depozita u bankama Bosne i Hercegovine – prva komisijska faza (predlagač: Vijeće ministara BiH);
4. Razmatranje Prijedloga zakona o izmjenama i dopunama Zakona o akcizama u Bosni i Hercegovini - prva komisijska faza (predlagač: Vijeće ministara BiH);
5. Razmatranje Prijedloga zakona o izmjenama i dopuni Zakona o uplatama na Jedinstveni račun i raspodjeli prihoda - prva komisijska faza (predlagač: Vijeće ministara BiH);
6. Razmatranje Prijedloga zakona o izmjeni Zakona o sistemu indirektnog oporezivanja u Bosni i Hercegovini - prva komisijska faza (predlagač: Vijeće ministara BiH).

Ad.1. Usvajanje Zapisnika 56. sjednice Komisije

Zapisnik 56. sjednice Komisije usvojen je jednoglasno, bez primjedbi.

Ad.2. Razmatranje Prijedloga zakona o izmjenama Zakona o akcizama u Bosni i Hercegovini – prva komisijska faza (predlagači: poslanici Salko Sokolović, Senad Šepić i Sadik Ahmetović)

Prijedlog zakona o izmjenama Zakona o akcizama u Bosni i Hercegovini obrazložio je Salko Sokolović, predlagač Prijedloga zakona.

Zatim je predsjedavajući Komisije otvorio raspravu u kojoj su učestvovali: Salko Sokolović, Mirsad Isaković i Predrag Kožul.

Nakon rasprave, Komisija je, s pet glasova „za“ i tri glasa „protiv“, prihvatila principe Prijedloga zakona o izmjenama Zakona o akcizama u Bosni i Hercegovini u prvoj komisijskoj fazi.

Ad.3. Razmatranje Prijedloga zakona o osiguranju depozita u bankama Bosne i Hercegovine – prva komisijaska faza (predlagač: Vijeće ministara BiH)

Prijedlog zakona o osiguranju depozita u bankama Bosne i Hercegovine obrazložio je Senad Softić, guverner Centralne banke BiH.

Zatim je predsjedavajući Komisije otvorio raspravu u kojoj su učestvovali Mirsad Isaković i Senad Softić, guverner Centralne banke BiH, odnosno predsjedavajući Upravnog odbora Agencije za osiguranje depozita u BiH.

Nakon rasprave, Komisija, s tri glasa „za“ i pet glasova „protiv“, nije prihvatila principe Prijedloga zakona o osiguranju depozita u bankama Bosne i Hercegovine u prvoj komisijskoj fazi.

Potom je predsjedavajući Komisije prekinuo sjednicu.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 57. sjednice Komisije za finansije i budžet PDPSBiH